



Ўзбекистон Республикаси Президенти Шавкат Мирзиёев қисқа муддатли меҳнат таътилидан қайтди.



Президент Шавкат Мирзиёев 29 апрель куни III Тошкент халқаро инвестиция форумига тайёрлик бўйича тақдирот билан танишди.



Президент Шавкат Мирзиёев 29 апрель куни геология ва кон-металлургия соҳаларидаги вазифалар муҳокамаси юзасидан йиғилиш ўтказди.



Абу Али ибн Сино номидаги Бухоро давлат тиббиёт институтида Ўрта Осиё ультратовуш хирурглар ассоциацияси (Central Asian Surgeons Ultrasound Society - CASUS 2024)нинг биринчи конгресси ўтказилди.



Президент ҳузурдаги Ижтимоий ҳимоя Миллий агентлиги ташаббуси билан Тошкентда «Она ўйи» ижтимоий маркази очилади. Бу борада Қозғоқстоннинг «Ана Ўйи» жамоат фонди билан Ўзаро ҳамкорлик тўғрисидаги Меморандум имзоланди.



Uzbekistan Airports Тошкент аэропорти учун TLD Eugore (Франция) компаниясидан тўртта янги TMX-150-15 аэродром буксирларини харид қилди. Аини пайтда пойтахт аэропортида ушбу турдаги техникаларнинг умумий сонни тўққиз донага етди. Аэродром буксири - бу ҳаво кемаларини шатакка олиб юриш учун мўлжалланган ихтисослаштирилган юк машинаси. Хусусан, самолётлар мазкур транспорт воситаси ёрдамида учир-қўниш йўлагига, туриш жойига, терминалга ёки техник хизмат кўрсатиш учун ангарга олиб борилади.

*Yurt taraqqiyoti yo' lida birlashaylik!*

# Ishonch

○ O'zbekiston kasaba uyushmalari Federatsiyasi nashri  
○ Gazeta 1991-yil 21-martdan chiqa boshlagan

## СОХТА ҲАШАМАТГА ҚАНЧАЛАР ЎЧМИЗ?..

ёхуд **777 x 0 = ?**

Бир хабар ўқидим. Бу хабарга кўра юртдошларимиз бир ҳафтада, диққат қилинг, бир ҳафта ичида (!) ўз автомобилларига чиройли рақамлар олиш учун 17 миллиард 843 миллион 900 минг сўм сарфлаган. Бу маблағнинг 95 фоизи жисмоний шахсларга тўғри келади. 17 миллиард 843 миллион 900 минг сўм!!! Шу ҳафтада энг киммат авторақамнинг баҳоси 206 миллион сўм бўлибди.

Мен бу хабарнинг ёлғон хабар бўлишини жуда истадим. Унчалик тилим келмаса-да «фейк» бўлсин дедим. Унчалик ёқтирмасам-да, шу дақиқаларда «фейк» сўзини хуш кўрдим. Лекин «бу ёлғон хабар» деган хушхабар келмади.

Эй менинг, элдошларим, азиз юртдошларим! Элибойларим, бой боболарим! Шунча пулни мактаб учун деса сарфлармидингиз? Шунча пулни китоб учун деса сарфлармидингиз? Миллат маърифати учун шунча пул берармидингиз? Қандайдир касалликдан азоб чекиб ётган болалар учун бир ҳафтада шунча пул йўғармидингиз?

Нечук ҳашаматга мунчалар ўчмиз? Тўйлардаги исрофгарчилик устига энди рақамвозлик кўшилди. Сохта обрў нимага керак? Навбати келган рақамни олиб кетаверсак қадримиз тушиб кетармиди? Мен Эшқобил Шукур деган бир одам 333 рақамли машинада юрдим нима-ю, 359 рақамли машинада юрдим нима? Нима ўзгариши ради? Мен 333 рақамли машинада бошқа одамга айланиб қолармидим? Менинг автомобилдаги рақам 777 бўлгани билан, ўзим 0 бўлсам, нима фойда? 777ни 0 га кўпайтирсангиз баробар 0, барибир 0.

Авалло, ўзимиз олтин рақамли бўлайлик, маърифатимиз олтин рақамли бўлсин.

**Эшқобил ШУКУР,**  
Ўзбекистонда хизмат кўрсатган маданият ходими

# САЛОМ, ПАРИЖ!

## Ўзбек футбол тарихида илк бор ОЛИМПИАДА ЙЎЛЛАНМАСИ ҚЎЛГА КИРИТИЛДИ



Ва ниҳоят, ўзбекистонлик футбол мухлислари орзиқиб кутган кун келди. Ахир биз бу кунни 30 йилдан ошиқ кутдик.

**2024 йил 29 апрель!**

Бу сана ўзбек футбол тарихига зарҳал ҳарфлар билан ёзиладиган бўлди. Яъни айнан шу кун «Париж - 2024» Олимпиадасига йўлланма қўлга киритилди.

Маълумки, шу кунларда бутун дунё ахли футбол бўйича U-23 жамоалар ўртасида Қатарда бўлиб ўтаётган Осиё кубогини диққат билан кузатмоқда. Мусобақада кучли учликдан жой олган жамоалар ёзда, аниқроғи, 26 июндан 11 августга қадар Парижда бўлиб ўтаётган ёзи Олимпиадада иштирок этиш ҳуқуқига эга бўларди.

Гуруҳ босқичида Ўзбекистон U-23

Малайзияни 2:0, Қувайтни 5:0 ва Вьетнамни 3:0 ҳисобида ютиб, юз фоизлик натижа билан чорак финалга йўлланмани қўлга киритганди. Ёш футболчиларимиз навбатдаги босқичда Саудия Арабистони терма жамоасини 2:0 ҳисобида мағлубиятга учратиб, ярим финалда Индонезияга қарши майдонга чиқадиган бўлишганди. Агар бу ўйинда зафар кучсак, финалга чиқиб, камиди чемпион ёки иккинчи ўрин соҳиби сифатида Париж олимпиадасига йўлланмани нақд қилардик. Ва амалда шундай бўлди ҳам!

Шу ўринда фахрланиб айтишга арзиғулик бир гап: бизнинг футболчиларимиз ярим финалгача барча рақиблирнинг ўз дарвозамиздан битта ҳам тўп ўтказиб юбормасдан енгишди. Тўплар нисбати: 12:0. Яъни +12. Ажойиб кўрсаткич. Бугун бу натижа янада яшиланди: 14:0. Қойил!

Очигини айтганда, биз, футболчиларимиздан фақат ғалаба кутган ва бунга ишонган бўлсак, индонезияликлар ҳам, худди шундай кайфиятда ўйинни кузатишди. Чунки уларда бунга асос бор эди. Гуруҳ босқичида ўздан кучли жамоалар Иорданияни 4:1, Австралияни 1:0 ҳисобида ютишнинг ўзи бўлмайди. Чорак финалда эса Жанубий Корея билан дуранг (2:2) ўйнаб, пенальтилар сериясида мағлуб этиш ҳам шунчаки омад эмас!

Индонезияликлар таркибида Голландия, Бельгия, Япония, Жанубий Корея каби давлатлар жамоаларида тўп сураётган маҳоратли футболчилар бор экан. Бош мураббий Шин Тай Йонг ҳам футбол оламидаги машҳур мутахассислардан бири. У мураббий сифатида Жанубий Корея терма жамоаси билан яхши натижаларни қўлга киритган, «Сеёнгам» жамоаси билан эса Осиё чемпионлар лигаси ғолиби бўлган.

Демак, Индонезиянинг шу босқичгача етиб келиши тасодиф эмас!

Биз Индонезияни 2:0 ҳисобида ютдик ва бунга ҳар жиҳатдан ҳақли эдик. Чунки Осиё кубогига биронта ҳам тўп ўтказиб юбормаган ягона жамоа бу - Ўзбекистон! Умумий таркиб бўйича турнирда энг киммат жамоа ҳам (бунақаси бўлмаган) - Ўзбекистон (15,85 миллион евро)! Албатта, бу кўрсаткичлар ёш футболчиларимизнинг нақадар маҳоратли ва кучли эканини аниқлатади.

Ғалаба муборак, баракалла, йигитлар!

Сизлар финалда ҳам ютишга ҳақлисизлар!

Раҳмат сизга, юртини улуғлаган юрт ўғлонлари!

**Алижон АБДУРАҲМОНОВ**  
«ISHONCH»



## ТОКИОДАН МЕДАЛЛАР ШОДАСИ

**Япония давлатининг Токио шаҳрида 2024 йил 13-23 апрель кунлари байдарка ва каноэда эшак эшиш бўйича Осиё чемпионати бўлиб ўтди.**

Париж - Олимпия ўйинларида иштирок этиш учун имтиёз берувчи ушбу беллашуларда Ўзбекистон миллий терма жамоаси аъзолари муваффақиятли натижаларни қўлга киритишди.

Хусусан, Ўзбекистон касоба уюшмалари Федерациясига қарашли Республика ихтисослаштирилган комплекс болалар ва ўсмирлар спорт мактабининг байдарка ва каноэда эшак эшиш бўйича спортчилари қатор медаллар соҳиби бўлишди. Жумладан, яққалик баҳсларда Денис Онуфрив ва Шаҳризода Мавлонова кумуш, Элёржон Мамадалиев бронза медалига сазовор бўлди. Жуфтлик баҳсларида эса Шаҳризода Мавлонова ва Озоджон Амриддинов олтин, Владлен Денисов ва Шаҳзода Эркиновалар кумуш медали соҳиби бўлишди.

500 метрга сузиш баҳсида эса ҳамюртларимиз Артур Гулиев ва Владлен Денисовларнинг натижаси бронза медалига лойиқ деб топилди.

**Зебо НАМОЗОВА**  
«ISHONCH»





